

程

石倉十二代詩選

明三集卷之二十

使郢稿

大明

華亭孫承恩著
後學曹學佺閱

襄陽懷古八

龐德公

龐公大隱流世利迥莫干身如野鶴矯心與浮
雲閒刺史不能致候謁隴畝間夫耕妻出盥相
對嘗怡顏富貴得幾何憂患來無端善哉至人
訓遺子獨以安鹿門何高高遂志終盤桓避世
深復深採藥竟不還所有遺跡存高風照人寰

孟浩然

浩然亦高人神思乃清朗讀書陋拘牽制行喜
 疎曠賦詩妙天趣力索不可彷彿冲融大雅音金
 石振遺響禁中遇天子召對心所向終焉意不
 合歸哉南山放唐詩盛千古公也李杜行布衣
 一時窮高譽後人仰我來經故里慨矣勞緬想
 鹿門當時月依依漢江上

張順

張貴附

襄陽昔受困虜騎何憑凌矯矯二烈士提兵援

孤城雪涕奮雄劍悲風起冥冥赤手蹈虎穴義
 氣孰敢櫻輕舟駕巨濤江水為奔騰轉戰前無
 當勢若可橫行惜哉天亡宋其功竟無成一時
 雙玉節皎皎照日星我來尋故壘黯慘愁雲凝
 草木為號呼猶似戰伐聲英魂凜赫赫萬古常
 如生

至京

歸旌何迢迢馳驅併昏晨靡靡逾郡邑行行及
 都門所憂王事促寧知計艱辛昔行當暮秋茲

歷代詩選 卷之二十一 歸屆早春雖餘冰雪在已覺物意新仰瞻蓬萊
宮瑞靄常氤氳

昆陽城弔古

昆陽城頭秋日淒昆陽城下沙塵飛風煙蒼茫
鳥不度黃狐白狐向我啼當年炎祚遭中否鬼
魅因之盜神器世厭王田僞并行天教白水真
人起想當尋邑驅兵來百萬氣焰如風雷虎豹
咆哮助威猛已視漢種如灰埃小怯大勇吁可
興殺氣殷殷動天地前徒倒戈勢若崩百萬雄

師一時潰堂堂大義聲四馳天意所向誰能支
炎精再噓復故物祀漢配帝崇丕基世往江山
尚如故城堞週遭宛樓櫓撫事弔古增慨傷高
情獨有坡翁賦嚴尤小豎非英才失身篡逆胡
爲哉留芳不能乃遺臭千年唾罵誰爲哀代遠
已無冤鬼哭野老時時得遺鏃我來無暇訊從
容想像猶然愴心目只今海宇當清寧閭閻不
聞刁斗鳴乾坤帝力爾不識但樂犁鋤歌太平

題新建李太白祠

李唐開元全盛日文化昭宣異人出夫君自是
長庚精炯炯墮地羣倫驚胸羅珠璣爛星斗筆
幹造化驅雷霆金鑿召見至尊喜揮毫疾如風
雨至聲華氣岸壓朝紳妾視真妃奴力士塵世
齷齪不可留騎鯨復去崑崙丘竭來宇宙成千
秋一朝還作荆襄遊荆襄之壤蘭江上山紆水
環景清曠此時突兀開新祠萬古詩豪揭高榜
地因人勝古則然從此蘭江重穹壤

西玄宗伯復餞

夙奉交情厚朝承寵餞勤情知非久別誼自惜
離羣莽莽朔風厲蕭蕭秋日曛明晨回首望煙
樹隔紅雲

早發

晨起披星出冰霜凜在襦淒風欺舊幌病骨藉
重狐北望瞻天漢南飛感月烏須臾曙光動迤
邐見長途

駐節蕭寺

小憇皇華節閑瞻琪樹林不逢僧說偈欲問佛

安心晝暝長廊靜香消古殿深坐餘還促駕容
易日西沈

夜行

深夜苦催發人行語不諱林鳥驚列炬候騎聽
鳴笳歷歷星垂野澄澄月布沙忽聞山犬吠知
是有人家

南陽道中

靡靡川原接蕭蕭征馬鳴西風吹葉下殘日抱
林明弔古悲歌動傷時幽憤生蒼茫時極目依

約見孤城

都司公讌

大府皇宮側孤城曉日東名僚全楚盛高會此
時同臺迥旌旄列霜清鼓角雄酒闌還別去雙
袖倚微風

石涇邀飲王總戎園亭

勝會高賓集名園幽興多野亭藏雨竹仄徑入
煙蘿几席香縈篆笙簧鳥送歌更憐賢地主不
醉亦虛過

歷代詩選 明孫養春 五
邀石涇夜酌

暫屈中丞駕還憐老子迂霜清城角響月過竹
窗虛款語多鄉思盤飧媿客厨板留湏盡興莫
問夜何如

王周二生携酒夜過

寂寞行臺夜欣承二妙過城頭起嚴柝屋角挂
明河勸酒憐渠厚論文益我多看君才具羨贈
蹙欲如何

五泉中丞南江憲副席上

把袂年華改通家契誼深不緣今日會空負別
來心竹院霜晨肅山城海日陰世途多感慨相
對一長吟

駝村大巡邀飲

天上來文旆湖南傍法星層樓敞高宴短晷落
虛庭深酌歡能盡悲歌醉喜聽還言情未愜更
約坐山亭

宿古寺

古寺何年闢皇華亦偶來疎風禪榻靜寒夜竹

窗開擾擾浮生世悠悠浩劫灰中宵眠不穩羈
思轉難裁

出京九卿諸公餞別報國寺

玉節青冥下羣公祖帳同雲煙開霽色臺殿肅
秋風卽奉嚴禋重湏知 聖孝崇驪歌邀落日
劍氣拂明虹倚席懷高誼持觴激懦衷皇華慙
莫稱何以詔顯蒙

石澗中丞攜酒夜過

倒屣中丞至燒燈綺席開朔風疎檻竹寒月淨

琴臺漢水波濤偃山城鴻雁哀我多懷土念公
擅濟時才雲樹頻年夢壺觴此夕陪通家非一
日二十五年來

三洞閣

寶地登臨冬日晴岩峩芝閣俯重城山連碧玉
諸天供江作青羅一帶橫已占六合乎玄貺卽
有羣仙降旆旌潭下有龍時隱見夜深來聽步
虛聲

登陽春臺和韻

帝居西畔岌層臺舊是
先皇駐輦來寶翰仰
瞻饒夙顛恩光常自照
莓苔千年盤石河山拱
八表風塵日月開欲擬
彩毫千氣象登高深媿
昔人才

沔陽志感

早歲從親此宦遊重來五十四春秋更無耆老
詢前事尚有邦人德故侯吏治漸聞隨俗變漢
江終古抱城流州前老檜當時物笑我垂髫今
白頭

其二

古復名邦漢水堧依稀往事記當年甘棠父老
猶能護風木孤兒稔自憐輿論已徵良史筆新
祠深荷長官賢遲留不盡王程繫回首重來意
杳然

水香亭小飲

沔城外之東北隅有湖中有臺焉每歲
之夏旁多蒲荷之勝雙華僉憲新作亭
臺上至是邀予小酌因以亭名請予名

日水香亭爲紀一詩

湖光煙靄雨氤氳此日清遊共使君已著高薨
臨綠水應思短楫棹紅雲歌邀落日傳杯酌風
起青蘋寫浪紋聚散未期題榜在後來應有感
斯文

扁鵲墓

醫聖從聞術有神千年塚骨已飛塵荒原落日
西風裏猶有紛紛乞艾人

同襄陽守張士弘過冒家池

冒家池上野花開昔日衣冠今草萊爲問漢江
江上月幾見山翁醉倒來

臨水驛小坐口號

地名臨水原無水只有風塵撲馬鞍却憶草堂
三泖上日臨苔石弄潺湲

院中偶述

古署深深閉曲房客來不語對焚香從言寒日
經簷短無事閒中亦故長
往歲家居月夜泛白龍潭嘗擬賦一詩并

附此

湖上涼風兩袖生
滿天星斗浸空明
一葉扁舟隨所適
只疑今夜上天行

霍韜

字渭先
南海人

三至軒詩

哲哲握竒手
弱冠繪楚雲
焚蘭媚纍靈
楮椒欵湘君
沿湘至章江
某施猶沾芬
時乃邁多艱
日

誦湘纍文

其二

嚴霜夏殺草
凍雨夾塵飛
螢火繞高木
黑雲曳其輝
伊昔遭時厄
風雲轉盼違
豺虎長羽翰
全藩無完衣
誰抱素玉光
而不以瑕歸
丈人矢冰心
邁危以無譏

其三

陟彼滕王閣
悄然嘯孤懷
寒鳥伴衰蒲
猶泛秋江來
枯榆不擇波
疲鳥不擇棲
宛宛王侯門
寒雲翳雕題
四郊桃李頽
迎向丈人開
桃李對春言
今是傷昔非

贈方棠陵用陶飲酒韻

傾蓋江之臯送君遠何之棠陵挺孤館正放蓮
花時湘江雖有蘭馨芬不如茲耿予託孤踪山
靈納不疑盤桓數杯酒神鬼糾交持

其二

神鬼托伊何絺構石屋山永矢也弗諉先民代
我言鼎鼎此頭顱諒不逾百年棄捐落世塵身
後將何傳

其三

傳心棠陵子趨曠不世情山寺當家居詩神擅
時名持此磊落資亦足滿一生况負康濟心寵
辱非所驚努力慎攸往詎謂艱小成

其四

成此石屋館朝朝見鶴飛日暮鶴未歸使我心
轉悲豈彼大澤隈稻梁故依依石屋有高松寒
巢待爾歸雪零萬卉枯貞姿逝不衰古云重久
要茲始願無違

其五

遶世非獨立特避塵俗誼所以結孤館故投林
壑偏倦對寒松寐興到便登山日夕坐松扃山
僧乞食還搔首發孤嘯此意誰與言

其六

生值聖明時况爾儁穎姿秋江漱寒玉老栢撐
孤枝辭華咳唾間亦復多瑰竒慎爾致遠具及
時宜有爲丈夫跨宇宙焉蘿非久羈

其七

之君好獨遊止宿耽幽境此行過沅水有士眼

長醒精神或云覲渠情君當領舉世尚汶汶神
悟誰其穎真風久不回尚論幾先炳

趙子鑿守順慶清才有志于古書此贈之
皎皎蒼玉姿雅志跨八荒希跡古先民寤寐曾
不忘本深木自喬玉藏山輝光又如春晝晴煦
風四颺揚古賢美恕茲驥步躅此場趙子如古
賢曾不屑名彰漏畧雖惕劬晨昏故如常

其二

皎皎蒼玉姿蟠桂擎瀛洲涼露降太清朱鳥時

相投先民有如斯
 慙矣夫何求維爾
 媿先民猶期古賢
 遊吁嗟二氣馳循
 環互沈浮驅車軋
 長途不瞬輪轉週
 灼灼玉欄花涓涓
 溝水流勉勉不早
 時兔烏幾廻輶耄
 矣漸蹇予日昃徒
 懷憂

和彭時可
 一天新月半垂鈞
 黯黯浮靈已度秋
 良夜呵雲觀五岳
 短槎橫漢繫孤舟
 清聲到耳松猶舞
 瑞靄填空翠未收
 光景不須嗟歲暮
 好春花柳是前頭

中秋夜飲

芭蕉月上露枝遲
 促織聲先到耳知
 落魄幾翻圓缺影
 流風千古兼葭詩
 沼橫龍影擎蒼檜
 花帶煙姿釀翠籬
 如此清宵虛放過
 可憐辜負許多時

丹厓

拄杖撐霞晚屐行
 路逢葛老話平生
 解衣舞破崑崖影
 濯足踏低天漢平
 丹竈爲誰煨白石
 紫雲牽我到朱明
 蕪葭秋水何天迥
 呼起黃梁鶴

一聲

小金山

入眼浮漚見此臺嶺南風致自天開何人兩屐
松根到千載孤舟夢裏來枕石老龍三月睡高
岡鳴鳳幾時回萬株松插崔嵬頂添得白雲無
數堆

呈冢山

樵雲近處是三台樵叟雲槎漫往來一枕玉霞
天外閣幾株紅樹日邊開扶搖鵬翼來虹馭側

蒼苔
遍天河見鳳回從此槎雲樵叟獨翳門雙石有

除夜自省

簾外雪飄欺兩鬢短檠孤影伴遺編依稀五十
慚知命光景流連惜往年舜蹠鷄鳴同夢覺臯
夔龍見澤垓挺非常世運尋常過駒隙如何駐
景旋

遊銀山用杜韻

峽徑紆經碧玉林翠峰玄澗雲芝森馬蹄踏踏

歷代詩選
卷之五
看朱草天極層層繪紫陰鐵壁銀山環北固千
年一日此人心很居胥外憑高望寧念烽墩夜
夜砧

其二

通幽一徑倚雲斜雲樹蒼蒼狎歲華寒壑翳陰
聊擁騎御空凌影快浮槎從天步到瓊芝國接
地聲喧綠玉笳北望燕然南泰華塞天黃紫亂
開花

其三

層厓拔陟任逶迤東望蓬萊浸碧陂重鎮天留
千疊險帝陵松長萬年枝姚虞履跡前山鞏胡
貊腥風聖化移社稷僕夫思遠道戴星單騎一
鞭垂

丁酉除夜

雙檜擎雲起寒思年年北風向檜吹雲花撒地
影猶冷龍夢騰天春未遲鶴借空青閑宿侶虹
橫孤碧見標枝與君歲暮歌行壯歌竟惟教兩
鶴知

歷代詩選
明
百卷

聽鐵泉和韻

妍媸今古一臨流
輦笑東風祗自羞
拄杖他山還采藥
藥苗春好更何求
雙劍
望迤北
春思
手半出
風向
漢碑舊峙燕然山
胡馬窮沙遯不還
今日燕然春草綠
徭胡南牧馬
曾斑

石倉十二代詩選

三集卷二十一

願貞堂稿

大明

山陽蔡興昂著
後學曹學佺閱

水泉送邵宗周令建陽

霏霏車下塵
嫋嫋道傍柳
折柳若為情
登車重回首
子行漸以遙
旌旆依南斗
我有徑寸珠
得之考亭叟
把玩不自休
神光滿戶牖
持以贈子行
此意亦良厚

題畫二首

歷代詩選
月夜
鳥
三集卷廿一

古調久已沈孤懷竟何託昨夢山中人相期采
蘭若明發往從之石徑縈且确瘦僕度危橋凌
兢進還却精廬望伊邇笑語出林薄綠綺喜知
音囊中先自躍
冰泉出巨壑勢急如爭先觸石鈞韶鳴吐沫驪
珠圓懸崖矗嘉樹好鳥鳴其巔鳥鳴春意動物
色良可憐安得一把茅結構清溪邊興來時一
往塵慮聊以捐

三集卷二十一

送徐以善還淮用古詩韻

世路有南北人生多別離頃從淮海來復出洪
河涯留連百觴飲日夜以爲期緬懷故山好歸
寄鷓鴣枝前哲日以遠追攀詎容緩歲月等頽
波一往不復返紅芳變綠陰坐覺西園晚倘遂
碧山棲願飽青精飯

饒縣令致仕

此日不爲樂吾生徒爾爲朝解彭澤印暮向柴
桑歸效官豈無能還山夙有期朱橋映綠水二

月淮南時行歌朗月詠坐對瑤花枝吳歛聆絕
響楚舞生華姿頽然意自適不知我爲誰優哉
復游哉百歲常如斯

送劉南村還雲間時在女夫周侍御文儀

席上

清川得雨波盈盈望中煙樹低迴汀帝城南下
境獨異冷風吹送幽人行幽人南國馳聲早志
節亭亭抗塵表禮羅徒設鳳高翔回首王門迹
如掃人間不見日邊春三泖衡扉且自珍讀書

只欲見千古眼中莘老爲何人霜臺九夏無炎
燠座上清熒間冰玉秋風老屋更關情歸去山
中紫芝熟

遊雲龍山次韻

蘇公醉上黃茅岡官閒但有登臨忙我生也晚
空想像招公不來遣巫陽古今天地猶旦暮豈
須撫事增悲涼續公風流在我輩爲君掃石傾
壺觴

送愛山琴士

劉生風標世有無
熒熒海上珊瑚株
塵纓萬丈繫不得
飄然心與名山俱
南遊吳會探禹穴
東觀渤海思蓬壺
弱流九重不可到
飛仙縹緲憑空虛
躋攀絕頂望八極
舉手欲挽羲和車
去年出山走淮海
惠而顧我湖上廬
割鮮沽酒共一醉
豪談唾咳飛明珠
瑤琴手弄太古曲
浮風指下回黃盧
喬槐背壑飛朝雉
長松當庭啼夜烏
我一聆之三歎息
肺肝冰雪無塵污
神仙中人不
易致去留那可形
骸拘廬峰鍾阜心
在念拏

舟徑欲隨鷗鳧
鳧旗亭柳垂青
勃宰江城花發
紅糝糊送君此
地飲君酒聽君
拍缶歌吳歛君
不見黃鵠向霄
漢萬里行須臾
丈夫墮地四方
志未應槁項爲
山臞

韓信城

漢家司晨雞用牝
真主東還將星
殞蒼涼故國弔
遺踪落日清淮
去無盡王孫不
歸城亦荒沙頭
草樹紛成行尚
有千年不平氣
化爲雙劍騰穹
蒼

范張祠

同舍交情別時語遠道悠悠會難黍兩人臭味
本來同一諾千金詎輕許巨卿有道出金鄉胡
爲廟食淮之陽吾意淮人重然諾相與俎豆延
清光

節孝祠

節孝祠前梅樹古佳實離離足風雨野人采摘
進中堂堂下婆娑紛拜舞百年淮海一徐翁史
家亦是文章宗但使名編卓行後翁乎上友南

陽龍

劉伶臺

建威參軍竹林叟今古閒情一杯酒何年此地
有高臺臺下頽波正東走晉朝名勝皆蒿蓬獨
醒尚說長沙公感激誰能訴真宰會須一刻遺
臺空

南浦月華

沙口魚罾閒箇箇秋波不動蛟龍卧壁彩清涵
水面圓微風暗觸玻璃破蘭舟桂楫坐中流美

人不來生遠愁
翛然露下荷衣秋
晨光漸起天東頭

西湖煙艇

三年京國紛塵鞅
十里西湖勞夢想
披圖一見已欣然
况復移家對蕭爽
杭州潁州天鑿開
漁舟曉破蒼煙來
倚櫂回看天欲雨
鯉魚吹浪聲如雷

鉢池山

侵曉煙霏開
珠爽淮川下
瞰平如掌山頭黃鵠

動成羣山下青芝日應長
昔年飛步凌蓬萊鳳
笙鶴馭雲中回茲山在眼不一到
空令滿地生蒼苔

金牛岡

淮西青山近如咫
誰能移置西湖裏
天遣茲岡枕湖渌
彷彿土牛鞭欲起
上有古栢凌風煙
西湖得此增清妍
斜陽倒影侵空碧
水僊開鏡梳雲鬟

竹鶴贈徐杉

徐子混跡居市廛雅懷如在青山前故栽脩竹
養玄鶴翠陰匝地聲聞天鶴也一雙竹十箇吾
行與行坐與坐耳畔時時聆舜韶受風警露鳴
相和

瑞兔詩應

制

東郭全生地西川入貢時不爲三窟計來奉萬
年卮作禮朝丹宸聞歌舞赤墀仁恩沾鳥獸王
道備于斯

令節來何處真靈稟少陽月中含素魄草際帶
清霜爲感從龍會應開繞電祥侍臣紛拜舞祝
見意何長

送王慎卿分教瑞昌

落筆先多士文章遂有名一官更兩地三禮淑
諸生蘿月催尊盡蘭橈待客行含情看龍劍無
復不平鳴

送袁民望令新城

郎星下北斗五月向南天鳧鳥仍珍賜蒲觴是

別筵雲移沙苑樹
夢遶上江船
去去河陽近
桑麻正滿川

送朱伯仁任四川行都司斷事

白帝秋風動
烏蠻夕照含
憐君遊宦處
地勢極西南
殊俗聊相問
軍謀亦共參
雄飛方喜此
寧說鬢鬢鬢

中秋雨簡熙臺

淮南十日雨
幽興渺滄波
况近中秋夜
其如月色何
出門驅馬怯
當戶入苔多
吾欲祈真宰
移

晴向薜蘿

風竹

高林飛葉盡
無處着秋聲
尚有窗前竹
時于夜半鳴
聞歌聊自慰
紉珮若爲情
無限瀟湘意
徘徊月正明

晴竹

裊裊依湘岫
森森覆澗湍
風光巢翡翠
日色隱琅玕
已覺清煙滿
無憂白露溥
故園千里外
長得報平安

歷代詩選 明嘉靖江
都下送傅騰霄回淮

決策來觀國胡爲不少留
雞聲燕市曉雁陣楚帆秋
嗟我淹微祿經年在遠遊
城南泊舟處能爲訪松楸

送陳別駕之任雷州

長安一月雨楚客易知秋
况送佳人去爲邦南海
陬嶺雲天共遠湘水月同流
會見金閨裏鶯花返舊遊

贈劉琴士南還

昔歲逢君地精廬淮水東
今看爲客日燕市正秋風
烏帽承新寵青山返舊宮
往來雲水興都入雅琴中

汝湖別業爲少宗伯謝公賦

湖村積燿景學士此爲家
翠壁和雲濕清泉度竹斜
霜餘收橘柚鏡裏泛荷花
小立危橋畔依稀見雪槎

過崔鎮

巷曲柳交蔭籬疎荳吐花
驅牛下長坂喚渡立

平沙充市多農具臨流半酒家誰能弃行役此地問生涯

寄衡公式

燕市東風四月前黃金臺下謾周旋飛花弄晚
三春雨游騎衝塵九陌煙一別歲華隨逝水幾
迴魂夢入鈞天同君共有在時策况是青春髮
尚玄

送俞子貞任南戶部主事

燕臺八月秋風涼美人南去搖鳴璫江山萬里

各回首勲業百年誰擅場過家擬作綵衣戲臨
流先詠南山章丈夫有志狹宇宙終期民俗回
虞唐

挽歛西鄭拙耕

里門喬木欲參天回首雙橋感昔年興逸名山
多折屐惠深寒屋待炊煙家聲竹簡千年事生
計湖陰百畝田一卧泉丘無復起江花江草亦
淒然

送光祿少卿高穎之

不奈滄洲逸興催留都新命愜南回養高天假
優游地抗疏人稱諫議才行處草香知故國望
中雲澹認蓬萊相逢門下多桃李猶記春風手
自栽

送余德耀謫安陸

秋到燕山一雁鳴為傳佳語過江城宦途自我
成南北臺論應誰託重輕長劔倚看西日白塵
冠濯向漢江清三湘不是留君地楚賦無勞吊
屈平

玉函與盧伯旬胡汝臣牛子象南堤晚眺韻

百里煙郊引望青塵襟如酒豁然醒足音喜聽
來空谷晚色堪圖上翠屏欲寄孤高升古堞更
尋幽窈下回汀子雲已按中臺節風月空懸舊
草亭

題畫

蕭灑江梅映竹開歲寒心事兩悠哉枝翻宿霧
風初度影落寒溪月正來未省塵從何地入須
知春自此中回何人吹斷參差玉身在鼇峰百

尺臺

壽劉紫崑母太夫人

仲春五日寒始收青禽飛下崑崙丘山光當戶
翠堪摘花氣隔簾紅欲流逐子無如帝城好行
春更愛家園幽乾坤經濟幾人在吾家雙桂凌
清秋不問偕新庵訪從士太史于僧舍高長古散更
瓊枝別後渺相望曲水風煙引興長短札幾隨
江國使妙香重話贊公房石田雲暖三芝秀金

界風清五月涼久戀芳樽度斜景不知織月上
莓牆

答胡南津憲長

海邦萬里開廉省虎殿常年守秘書世味漸催
身向老交心寧與跡同疎詩題塞雁乘秋去夢
覺潮聲到枕虛倘遂歸歟同白首楚江何處不
堪漁

送劉希尹同年

冥鴻得意且高騫鷺鳥羣飛正刺天元祐黨人

滄海上貞元朝士曙星前
煙花紫禁同遊少風
月孤舟別夢牽遙憶政成多暇日
郡齋還紀著書年

送俞貞明赴台州貳守

久住承明感物華
愛君飛旆入煙霞
步隨瑤草春行縣
坐對蒼山午放衙
京口故家聊繫舫
易州清譽尚盈車
更爲後會知非遠
回首秋風已及瓜

寄代相頓叔養

同心千里復同聲
一在雲中一鳳城
芸閣歲華吾亦老王門
賓客子多情
邊形尚帶秦時險
關月猶懸漢代明
懷古憂時俱感激
擬將長筆代長纓

嚴司成鈴山堂

瀕江結屋面鈴山
曉啓雲窗擁髻鬟
爽氣迥臨飛棟外
空青時墜卷簾間
况逢玉節趨庭日
正屬蒼梧奉使還
龍卧十年今再起
舊山那許說投閒

癸昌平

自天龍氣散氤氲咫尺仙源路不分
列校征麾回白日七陵弓劍鎖寒雲
衣冠再見周祠鎬簫鼓寧論漢濟汾
黍後駿奔頻出塞壯懷何必減終軍

題南山百鹿圖寄壽楊璞菴

珪璋雅望重南畿况復官清事亦稀
朝市自能容大隱芰荷無用返初衣
鍾陵選勝和雲入江閣尋詩趁月歸
補袞未應忘製綵省郎心寄片

鴻飛

齋居

宮坊經局各分曹永夜清齋獨引毫
庭下烏棲春樹靜煙中月上午門高
靈韶入奏儀丹鳳仙島浮空舞抃鼇
禘禮已成王道備侍臣須念聖躬勞

舟次姑蘇有述

京國今來作勝遊館甥虛榻正堪留
不禁殘月照歸夢無限清風吹客舟
震澤天空鴻雁遠惠

山春靜水泉幽懸知酒煖茶香處幾度詩成更倚樓

送穎坡

雨餘江郭百花明風淺苕湖一舸輕散吏乘春聊載酒僊曹愛客重尋盟山中共飽青精飯雲裏時瞻五鳳城更喜北來消息好會將勲業贊昇平

和桂洲元老九日邵園韻

野涼秋滿菊花園上相同開九日樽風雨不妨

佳節會煙雲長抱近城村青禽偷眼窺瑤瑟錦樹生香入彩軒最愛金張好池館分明憑藉漢家恩

夏五月還自中都舟行登浮山

浮山半出淮水頭圓峰迴合抱深幽桑麻沃壤還千頃金碧禪林擅一丘何處漁樵叅法侶有時鐘磬落滄洲斜陽長伴人來往誰向沙邊一繫舟

閣老桂洲公席上次韻贈崔侍郎赴南禮

部

校書長近日華邊南下舟如太乙蓮促膝幸同
今夜雨渡江長帶隔溪煙青雲接引龍門地綵
筆追隨鶴背仙曉出春明重回首再來宣室席
應前

喜雪和陽峰公韻

正屬人心渴望時喜沾輝潤敢嫌遲宮壺欲下
飄龍尾制草初成積鳳池皓鶴驚寒頻顧影早
梅生色半橫枝九重催喚黃封急此是迎年第

一卮

公署白牡丹次陽峰公韻

三月紅香過眼空獨將孤白媚幽叢已知價重
留春省不爲開遲怨曉風輪鞅尋芳來滾滾歌
鐘歡飲樂融融何如公暇延清賞索句揮毫得
暫同

送魏淺齋巡撫河南

中丞問俗向中州前導旌麾夾路周紫禁幾人
猶惜別黃河千里待分憂經時畿甸初逢雨得

意沙津好放舟書客庖眉交誼在漫勞回首鳳池頭

松皋書院爲少保許公題

草堂高築對函關岳色河聲几席間紫氣千年猶入望龍門數仞若爲攀每思抱膝牀間坐乍想鳴臯月下還此日經綸須大老豈將能事博清閒

蓮花燈

元夕華燈爛紅蓮一朵開渾疑出綠水不見有

香來

金陵圖

天作石頭城江流日夜聲六朝遺事盡回首暮雲平

奉和大司徒九峰喜雪

一身康濟詎爲多喜與斯民卜歲和郢下才情渾未減陽春移向帝城歌

白鷺

雲影天光淨曲池白鷺浮泳更相宜披圖欲喚

歷代詩選 明蔡鶴江
扁舟去疑是長淮雪漲時

歐陽子聽秋聲圖

金蓮照夜送微明竹外涼風細細生應是玉堂
揮制罷更將餘興寫秋聲

碧桃花

粉香初試御園東半臂盈盈障曉風不似武陵
人去後落紅無數寂寥中

挽登州朱惟敬

長淮東畔碧湖西千里鄉關望欲迷若向春風

聞杜宇旅魂應恨不曾歸

元夜邀徐太史宋戶部過飲

綵樹銀花照曲臺五侯歌管月中來腐儒門巷
經過少爲借高軒破綠苔

題畫

一舸橫江載月歸宦情應共野煙微兒童莫訝
歸來早典午山河近已非

題陶潛歸去圖

一舸橫江帶月歸兒童相見笑牽衣不緣宦海

歷代詩選 明 蘇鶴注
抽身早三徑秋光更屬誰

歷代詩選 明 蘇鶴注

歷代詩選 明 蘇鶴注

歷代詩選 明 蘇鶴注

歷代詩選 明 蘇鶴注

石倉十二代詩選 明三集卷二十二

考功集

大明

亳州薛文蕙著
後學曹學佺閱

效阮公詠懷

朝登古臺上遙望大河陰
朱明來自南隆暑倏已臨
丹霞曜陽景渥露霑玄林
炎風振曾柯鳴磬響哀音
四時代終始變化遞相尋
盛長固殊昔遲暮方在今
感物切悲情愴歎傷我今

曠望三河側輕車金華輶壯盛值今辰志欲一
來遊路傍續紛子馳騫各有儔腹內懷辛螯側
目起相讐晏嬰畏仲尼惠施忌莊周疑似不可
居俛仰生蓄尤感彼行露章獨處安所求
昨登三臺上
茲年忽將逝我心愴以哀日暮不遑食空堂獨
徘徊駕言出西城中有池與臺清渠夾阡陌寒
露被蒿萊慨念昔時人零落安在哉玄象無淹
次四序倏如摧自非藉榮名一日等塵埃

陳思王

贈友

西京興亂階四海罹艱厄皇佐奮神武股肱效
羣畫英賢盡同朝夙願今始獲並坐接華裯聯
步凌飛閣中饋薦甘旨金罍汎清酌眷言申情
昵終讌展戲謔君子肅令儀俛仰存謙約明信
良可希驕盈義所薄各享百歲期鑒此平生諾

王侍中

從軍

出車鄴城外駕言指南鄉我軍整六師赫怒征
東方千艘沂淮浦武騎發河陽豈不懷歸思王

事不可忘鬱鬱涉長途觸目多憂傷葭菼盈深
崖榛棘蔽高岡悲風振中野陰雲起迴翔羈鳥
鳴我前孤獸馳我傍伊昔東山人三年事戎行
捐私報公家終以反故疆勉哉同袍子永言視
斯章燕吳趙魏昔于爾今猶然

陸平原

行旅

發軔指脩塗頓轡臨廣川居人並集送游子私
自憐故鄉日已遠親愛坐相捐携手一何促分
袂難久延絕景不可尋遺音邈以綿憂來鮮再

逝歡往豈重旋靡靡永徂邁冉冉薄暮年涼風
起平陸積雪被長壩幽谷生曾陰高嶺結飛泉
寒鳥無宿栖猛獸行不前惆悵感平生怨此世
網牽懷歸殊未遂愾憤何由宣

張黃門

苦雨

金商送寒節火旻迎朝露斐斐丹霞滅翳翳玄
雲聚密雨灑鍊叢輕颺摧勁樹荒楚滿中宇芳
華不盈步陰條豈再綠陽葉已改素獨居淹時
運憂來將誰訴微志安可期傷哉年歲暮

歷代詩選 明商君分

鮑參軍 戎言

家世隸部曲少小長幽并慣聞豪俠節耻預市
井名邊秋胡馬肥虜障入龍城候騎速如飛一
軍振且驚攬弓引鳴鈇行行遂徂征日落長風
起愁陰千里生天時正懟怒意氣亦自盈左驅
鮮卑壘右逐單于營還師報天子受爵過秦京
開宴適邸舍交歡競公卿一旦收奇績千載揚
英聲

贈孟望之

踟躕郊野外白日匿西山行人去有期安得久
周旋請為遊子吟與子結纏綿憂來動人心惻
愴不能言言念平生友意氣非徒然行役不足
辭貧賤非所憐君其篤明信慰我心惓惓

叙歸

干祿耻虚薄依方託疎慢偃息雖久淹幽棲寧
苦晏一朝幸時會逝言遠遊宦端服朝闈闔抽
毫謁雲觀促步乏高足弱植謝貞幹豈同漸陸
羽乍類登天翰役役感羈旅悄悄懷歸歎悵望

歷代詩選 三集卷廿二

承明廬徘徊霸陵岍脩路歷城闈初服旋里開
園墟申宿諾壤石改新翫陟榭瞰東田尋溪沂
南澗竹樹互遶迴魚鳥共凌亂平生覽疇昔卽
事踐昏旦冥寂資神理牽攀防世難梅生入會
稽龐公去江漢傷哉古今慮絕景山岩畔

晚出齋中

園中明晦異日晏氣候齊餘光杳新傾圓景廻
東躋叢木夾空廂涼颺扇幽閨梢梢陰籜翻翩
翩夜禽啼美人間遨遊卽景自招携褰裳出北

戶杖策佇南階俯察雙渠涌仰視三星低真賞
恒在近至鑒故不逃神往迹難留志存理無際
寄言山林客安用登雲梯

憶句曲山寄顧英玉

夙齡諷圓謀微尚寄丘壑神期雖未并斯衷固
無怍江南僊靈地句曲奧且博孔記述形蹟何
篇表經略青磴下崎嶇丹壁上岵嶸靡靡被石
菌噫噫戲雲鶴聞道甘閒曠養疴困疲弱卽趣
懷同好贈言負前諾岩廊竊已忝江海自堪託

敢希東都金且訪西山藥

贈饒平令曹先生

炎方信巨麗海嶠彌光輝衝波迅交屬斷岫崒
相圍銅乳隱雲穴金膏被石碕青林互繚繞玉
草競芳菲嶺戍按丹徼縣齋當翠微寒開盡洲
島偃卧同岩扉高閣祇自閉鳴琴方獨揮心和
物皆定欲靜神來依靈境逸難測異人遊豈稀
虛無翡翠蓋髣芙蓉衣安邑儻可累吾將從
此歸

雨霽閒望

池邊風嫋嫋竹裏影微微薄暮西山曲蕭條涼
雨歸伏檻看秋色四睇亂清輝哀猿連谷響迷
鳥隔雲飛朝市名仍繫林壑興難違春言返初
服蘅杜尚芳菲

看月

秋氣麗華月月華麗層穹餘輝稍熠燿流影漸
瞳矐臨水寫珠綴紫花映綺櫳蘭林團墜露桂
樹鬱迴風佳人在何許咫尺限西東殷勤離緒

澗寂寥懽讌空陸生北堂上謝客南樓中音息
一以緬思心安可窮星漢屢淹薄展轉夜難終
可惜芳菲節羈處怨飛蓬

對雪簡崔洹野何大復

清陰含洞房淒氣飄飛閣起視線雲中白雪乍
飄落紛紛集青瑣盈盈舞羅幕玄沼漏珠花翠
苑棲瓊萼良辰眷悅豫幽居感離索有酒今若
斯思君共斟酌

長安西門候朝

隱隱夕唱傳蕭蕭宵車驚茲夜方向晨中心憚
將暮朱華淪未啓瑤光儼初度絳宵麗明月素
飈流藻霧嚴防限中禁周廬扇內附峒嶸北宮
朝徙倚西墉步晒日紫微宇蹠足玉階路矯迹
承華側徒慚班振鷺

月夜坐憶

明月三五時流光千里外虛館風泠泠寒墀霜
靄靄不見南樓客徒憶西園蓋懽酒無盈觴憂
襟有餘帶沈吟靜夜思緬邈佳人會

訪史內翰不遇

回車望雲嶠攬衣陵霧術山齋晚猶閉幽人朝
已出拂石矚新詠窺窗覘散帙含情不可慙徘徊
悵如失

贈士奇允升

暮春黃鳥飛始悲歡晤稀首夏朱櫻熟重歎離
居速離居何契闊沈憂鬱難豁君同汲黯疾予
有相如渴偃息閉東軒扶杖一窺園遲遲雲日
媚萋萋卉木繁素書既滿几清酒亦盈尊此時

微二子賞心誰與論

秋日感懷

白露墜何早清風淒已寒今茲復秋日悵爾切
悲端三十未聞道一官祇素餐區區諒無補惴
惴詎能安撫已每多念逢時恒鮮歡徒然抱慚
恨歎息歲將闌

舟行雜詩九首

金門再捐佩滄洲一振衣沿洄歷秋水偃仰盼
清輝塞雁尚未發檣烏還解飛臨流聞楚調爲

我送將歸
居夷諒非願游吳或有託今我匪伊人心期偶
如昨行役多憂苦棲遲詎爲樂君看岼上逢秋
風益飄泊

白露晚來生汀洲把杜蘅浮雲西北返孤客且
南征習習野吹急汙汙川漲平徒看秋潦盡未
可俟河清

息徒指川喬繫纜臨叢薄飄颻散襟帶風吹零
露落俯折岼邊蘭仰聽雲間鶴寄言天路上共

爾違贈繳

秋雲翠可鑒明河景如髮川上夜寥寥徘徊望
新月流光睇轉近餘輝攬還沒念彼同懷人關
山日超忽
木落風雨夜水生蘭蕙洲已值秋清日旅客思
悠悠感時臨歲晏惜逝對川流此際亟歸去蕭
條難久留

行子怨路長長路方漫漫前瞻但雲霧却聽空
波瀾銷憂命懽酌取樂興哀彈安得晨風羽紆

我懷歸歎
朝辭枉渚
汭夕驚清川
路經過方自
今神期宛
如故沈吟
招隱曲徘徊
遠遊賦西北
有浮雲行
行一忽返顧
桂樹饒涼吹
蘭皋足素氛
鳥疑沙上霧
魚避水中雲
寥廓有欣矚
蕭閒無厭聞
行將入江海
長對白鷗羣

始還別業春際遊覽

結宇帶層曲
列牖俯雲湍
幽篁上交錯
怪石下

叢攢春際聊
騁望園中皆可
懽芳林秀丹萸
綠水散清瀾予
本支離者平生
茲考槃淪飄從
遠後留滯守微
官言邁祇云易
思歸方慮難悵
然迫遲暮五載
始投冠迨此尋
棲息復得遂盤
桓撫心殊已愜
日夕廢朝餐

行園

巾駕入丘樊
披榛理園澳
前臨古墟路
却望清渦曲
經營闢池館
周流羅卉木
風落繽紛蘂
露冒葳蕤竹
窈靄殊冬夏
寂寥異昏旭
野陰當晝

唐詩選 明齋齋
暝水氣先秋肅少壯旅衣冠疲病歸農牧蹉跎
任情性蕭散諧心目雅懷名山意益厭人間俗
歲晏終如何行行訪崑谷

齋夕

觀書每成倦徙倚憑齋閣煙景翳山池春陰歛
花萼衰侵迫惆悵節變乖行樂不有恬然想何
因堪寂寞

暮春園中作

荒徑入園墟經旬曠游涉林飄依檻絮蔓引橫

階葉春闌意已倦風晚花如怯憮然閱徂景彌
使憂相接

郭外

置酒命交游巾車向城郭徘徊空野外樂緒翻
蕭索涼風變雲日白露驚川薄秋水增煙霧衰
林半搖落良時一若此人生詎如昨援琴寫哀
弄停觴罷懽酌愧彼忘情者孤悰似無託

夕詣郊外

久瘵積幽抱端居乏懽趣日夕覽郊園俛仰增

歷代詩選
卷之三
愁暮林靜動風颺川迥來雲霧征蓬駛且斷棲
鳥驚還聚感物悟時變憂生測年暮衰顏漸已
迫稚齒誰能駐淹留歲方晏沈吟日云屢有懷
空若茲無聞良可懼
自西野循渦曲臨眺贈同遊者

養拙非藏器寢疴豈逃名進慚冠蓋羣退慕丘
園耕多病齒髮暮屏居懷抱盈稍尋臯壤樂暫
慰蹉跎情入野緬曲折臨谿屢迴縈霜濃石道
淨水歛雲潭清煙景淡將夕汀洲逝微明疎蕪

听篠落寥戾川禽鳴心賞夙所重身累適已輕
豈辭疲曳倦幸與良遊并濟時謝明哲量已保
幽貞願從求羊輩放曠終吾生

冬夜

高閣寂已夕清陰澹如霧林塘正寥落霜月轉
幽素蘊真非境累賞勝由神悟倚戶望西園無
人共微步

舟中看雨

微照下亭臯輕雲翳川曲一望春波上蕭條煙

雨綠餘花飄近渚衆鳥喧深竹借問同行子何處停舟宿

人共贈別翟廷獻

燕酒沽玉壺彈箏唱吳歛四坐咸寂莫停觴但踟蹰踟蹰送將歸故人與我違當春對歌酒愁思無芳菲憶昔同棲泊長安競行樂朝野盛歡娛朋曹何灑落休澣及朝昕追遊越城郭東第盡王侯西山具丘壑秋月韻鳴弦春池洗華酌流澗平原飲儻蕩鄱陽諳良時易徂謝同心乍

離索浮沈判岐路聚散殊今昨之子宮中州余方尋故丘譙國望梁藩咫尺抱離憂攀嵇虛往駕訪戴稀來舟空投三歲字詎申千里遊今王繼百六龍飛自南服年開嘉靖號祥符大橫卜西雍羣振鷺東圃叢脩竹一辭北山隱再忝南宮錄判袂屢愆期隨牒忽來茲過逢蹙以笑勞苦翻成悲君謂久遊梁俗態好蒼黃寧容長卿慢競笑次公狂當戶忌芳草投人疑夜光以此污微官不如還故鄉感君誠不偶顧我今何有

儒效卒無聞官箴竟多負一割慕鉛刀千金慚
敝帚循省但空虛悲傷就衰朽衰朽遽幾何良
會將無多昔遊接形景今別邈山河白雲梁苑
色綠水蓬池波留連暮春日殷勤遊子歌歌闌
日向斜遊子起登車臨岐欲有贈何因解咨嗟
鏃羽異鴻鵠存身乃龍蛇行行念自愛無爲怨
天涯

思樂堂

徂謝迫遙期悠邈殊今昔平生行樂地彷徨覩

遺迹寒飈起危館曙露依幽石象設尚如存神
遊眇安適

石假山

君家洞庭畔猶嫌去山遠園隈構石岫林際開
雲巘迤邐帶華池崎嶇入層苑不載扁舟來臨
流詎能返

水鑑樓

可憐池上樓俯映池中水點綴畫難成分明鏡
相似雲移荷芰下魚戲房櫳裏素景一離披知

有微風起

風竹軒

綠竹自便娟復值微風集
暝色颯將寒秋聲輟
還急琅玕欹易折翠羽紛難拾
幽人最惆悵攬衣空竚立

釣磯

釣磯上斗折偃仰俯石瀨
曾雲來目眇清波鑿
衣帶捫葛聊爲綸持荷還作蓋
高情豈羨魚逍遙在塵外

小園舊名退樂中丞馬敬臣先生改日常

樂因爲題榜兼賦古詩二章見贈敬次

韻奉酬一首

西原亡舊業南郭得新廬
開荒築場圃改徑通
村墟達人賞我趣遠訪林間居
年德非可親氣味略未疎
傾蓋語移日縱談懷抱舒
置酒瑩心亭促席臨清渠
然竹煑山茗炊黍薦園蔬
贈詩借高論題榜忝名書
雖榮華袞袞自顧實空虛
平生志尋樂憂患每有餘
好學謝希顏寡過願

師遽守節欽兩龔知止企二疏微公蘊真鑑晤
語復誰與

贈李子西

自余友君子寒暑僅三易始見歡如故再遇契
逾昔周旋尚無幾款眷良已積常恐人事乖及
茲果離柝枉駕就我別執袂城南陌舉觴忘獻
酬坐客皆悽惻愛深悲不淺辭盡意何極霄漢
子奮飛山林余偃息出處苟同心楚越非異域

畱別

素乏霸王略頗深山海情一充南省賦再反東
臯耕疎放日增甚沈痼歲彌嬰好遯愆幽期鳴
豫含浮名進止苟如此焉能獲利貞初服念不
忘遠遊心所輕遲遲去燕闕眇眇向吳荆薊門
雨雪暗廣陵潮水生八公遺桂樹千里饒蓴羹
名勝分可悅心賞遙難并願言慰離索引領伺
同聲

送范師舜調南京兵曹兼訊顧英玉

范雲移家赴南署買舟官河下江去君家住在

岷峨西回首江東望鄉處蜀客吳人解相笑可
 惜風流本同調江左應傳洛下吟尚書更羨臺
 中妙尚書臺中多暇日相逐郎官騎馬出載酒
 觀棋樂未稀登山臨水情非一眼中六代繁華
 地弔古悲歌動人意冶城無復謝公行新亭曾
 灑周郎淚君向吳城我燕市年來亦憶蓴鱸美
 幸為傳聲謝顧榮何時共飲三江水

義和行

五月日食作

義和東來海神泣丹霞閃爍玄雲急風纏赤道

吹星殞龍鬪青冥學人立軒轅太乙迷南北蟠
 桃若木無顏色上帝巫咸杳不聞仙人側目天

門黑

南唐李昇畫竹題云昇元閣上作賜宋齊

丘

南唐草創金陵日君王材藝還非一宮中初學
 書畫圖人間早見丹青筆昇元閣上朝置酒九
 華山人前上壽興酣點染雲霧飛畫成揮霍蛟
 龍走瀟湘洞庭洲島畔雨葉風梢翠凌亂珍重

仍兼御字題留傳擬作山人玩人代悠悠朝市
改何言畫本今猶在嗚呼金石亦銷毀細看粉
墨無光彩我持此卷三歎息英雄割據終何益
虎踞龍蟠尚復存黃旗紫蓋非疇昔富貴繁華
如夢寐千秋萬歲皆相似君不見西京空聚茂
陵書傷心不獨江南事

黃河行贈管汝濟病歸

崑崙播元氣積石歎靈波東南控赤縣西北注
黃河黃河西北來崩浪觸山開天輪蹙驚電地

軸沸奔雷雷奔萬餘里鼓怒何時已懸流白日
下漂沫浮雲裹洪濤直射三秦道巨靈擘山山
爲倒二華峰開菡萏披九巖夾繞蛟龍抱九巖
巖薛青天上下有黃河日搖蕩欹岍長移漁父
船清沙好拄僊人杖僊人西歸聊卜築開門正
對黃河曲浦口鳧鷖上石牀雲中薜荔垂茅屋
男兒挂冠苦不早玉體憂來日枯槁爾去應尋
河上公我行欲訪南山皓

題郭鳴世鶴亭

第五橋東野竹青
主人結屋占雲汀
扁舟初入泛花水
三徑新開放鶴亭
亭亭下蕭蕭鶴一羣
含姿弄影雪紛紛
水邊沙暖行春日
石上風寒卧白雲
白雲白雲浩蕩滄洲遠
億昔雌雄巢翠巘
青田養子衆雛成
華表辭鄉千歲返
何年偶被雲蘿制
羽毛摧折樊籠際
拂霧仍思紫蓋飛
臨風尚想華亭唳
小苑斜連雁鶩陂
上林却繞鳳凰池
不須奮翅緱山去
相逐鸚鵡集玉墀

梁園歌贈李川父

君不見梁王富侈甲
天子國東築園三百里
複道崛崎象河漢
曲池潺湲寫海水
詔書益賜膏腴地
羽獵常從千萬騎
爵馬珍奇外域來
賓客游談四方至
本期千秋樂未改
奄忽繁華不相待
金輿玉輦已零落
雁渚鳧洲竟安在
君不見異時鄒陽趨闕下
出入雍容擅文雅
寧知讒人一開口
束縛翻爲獄吏罵
又不見漢廷不重馬
相如謝病因上梁
王書浮沈頗與諸生伍
枉却當年賦子虛
梁園一旦生秋草
二公坎壈何足

歷代詩選
道人間萬事皆虛無詎用區區惡懷抱大梁李
侯才絕妙司馬鄒生爾同調江海遙分刺史符
文章不待承明詔相逢問訊今如何命也豈免
常蹉跎南歸又復不得意贈子聊作梁園歌

鄴都引

君不見當塗父子全盛時鄴都佳麗侔京師芙
蓉池上開朱邸玄武苑中羅羽旗九錫纔終俄
受禪宮中更起文昌殿功臣北闕賜甲第詞客
西園侍清宴雄圖擬謂千萬年于今城闕空雲

煙梁沛真人不復起歌舞曾無銅爵伎西陵誰
辨古墓田東流惟見漳河水

夏夜暑甚不寐

手中白團難禦暑冰簟細縕熱如許高樓夜半
擗衣起簾前坐看銀河徙想像蓬山殊不惡桂
樹玲瓏蔭珠閣仙人月下汲玉井海風蕭蕭雲
髮冷

酬劉希尹贈古鏡歌

故人遺我曾國之寶鏡遠自燕都寄譙邑殷勤

預恐到時久封外兼將錦為襲夜來夢君在君
側朝得君書長歎息開緘寒雪灑衣袂入手秋
蟾照顏色背間篆刻無人識鳥迹鱗皴土花蝕
依稀尚有雙盤龍似我于君連羽翼當年與君
游帝鄉豈意今者遙相望摩挲明鏡覽愁髮坐
驚騷屈生秋霜此時顛頓君不見作詩寄君空
斷腸

寶刀篇

譙國王生名博古故物疊纍滿環堵中有百辟

之寶刀太白之精來下土爛如白虹皎如雪紫
氣紛紛長不滅卷之如鈎垂欲折舒之還成三
尺鍊異哉神物那可比堅能割玉柔繞指蛟龍
變化迺如此刀雖奇譎不宜爾王生王生善寶
藏何年持之獻我皇指麾上下威四方廷中佞
臣如負芒佞臣屏退進羣賢巍巍帝德光配天
小儒敬賦寶刀篇頌聲洋溢千萬年

希夷先生墨竹短歌

大寧齋中至人竹浙浙天風撼蒼玉大書詩畫

真三絕價敵宣和百千軸伊川空有句傳神世
俗寧知僞與真祇恐明珠終暗擲此君他日與
何人

文徵仲畫老子見贈舊嘗寄觀音像併此

奉謝

本家楚瀨鄉遠師周柱史流沙竟長往谷神應
不死真源古縣近西原祠宇荒涼舊宅存不見
猶龍寫生色祇同摸象解空言衡山先生今顧
陸贈我真人真一幅天機淵默藏根柢日角分

明辨眉目先生高士非畫師一紙千金難易之
四方求者苦不得我未往求先見遺往年曾寄
圓通像髣髴白衣來海上今者揮毫圖伯陽恍
惚青牛歸故鄉老夫家居貧轉劇偶然富與公
侯敵簞瓢匱乏無斗儲篋積緘滕有雙壁平生
嗜好釋與仙幸遭同病還相憐已將彩繪作佛
事更擬形似傳靈筌學通二氏我何有畫備六
法誰能先不慚俚調酬妙品往來聊結三生緣
東方朔竊桃圖爲許封君題

弱流西下崑崙畔石閣丹梯起樓觀綠水旁
赤玉林白雲微映空青岬昔年阿母栽桃樹
桃葉桃花已無數青鳥飛時屢自迷仙人折罷翻
相妬浮生變化如雲煙此花一實三十年隣家
小兒亦何物往往竊實來山前自從脫幘金門
裏賣藥逃名會稽市神仙恍惚難具論粉繪依
稀無乃是海東之翁許遠遊有道似是東方儔
未肯朝天取卿相時聞縮地遊滄洲短褐匡牀
成隱居養雞牧豕混樵漁題詩遠寄看圖畫操

杖終期間素書

泣玉行

楚國獻玉人抱玉山
山中哭不見賞千金徒聞別
雙足一國之人皆若狂
玉爲石兮石爲玉世俗
是非雖反覆礫石何榮
玉何辱被褐懷玉真吏
夫哀哀泣玉何爲乎

藥室詠二首

寂寥花水上結構羽人廬
窗戶生雲閣松杉映
月虛犬靈因試藥鶴老
解窺書長揖當塗客榮

華不可如

書院焚香處晨關却掃時綠綈裝古帙白石種
靈芝招隱劉安賦遊仙郭璞詩蓬萊多舊侶題
字問相思

登水亭

路引水亭出舟行沙岬迴使君携客至歌伎悅
人來檻底鷓鴣舞窗中菡萏開風光莫相負長
日且銜杯

北征

地闊塵沙外天寒霜露中燕雲常少日朔氣自
兼風夢斷南樓鳥愁隨北向鴻淹留憶攀桂辛
苦歎飄蓬

昭王臺

燕昭無故國薊野有空臺寂寞黃金氣淒涼滄
海隈儒生終報主世亂始憐才回首征塗上年
年此地來

九日同何仲默出郊

九日登高會同人載酒來寒城一以眺秋色正

歷代詩選 助讀釋義
堪哀零雨晨初霽浮雲午未開南飛有鴻雁爲
爾立徘徊

春日禁中遇雪

紫禁春朝雪花飛彩仗新霧交隨雉尾風引避
龍鱗掌濕金人立窗含玉女顰翠華沾灑處遙
憶屬車塵

苦寒元夕興隆寺觀燈

燈火金僊閣丹青繡佛筵叢林開寶樹大地出
紅蓮梵鏡含明月天香雜彩燵諸公共隨喜吾

醉欲逃禪

送周侍御

閩越三山外東南八郡遙寒帷向絕徼攬轡下
中朝風起江潮動霜氛瘴霧消九重思諫諍計
日上雲霄

送毛敬父之廬州

北峽吞淮口東陵控海隅霍山分岳鎮肥水混
濡須從事之官遠觀風問俗殊廬江多小吏應
候府中趨

送戴長史

詞臣漢廷出邸第魏王開地卽清漳郡人同鄴
下才月中遊桂苑風裏宴蘭臺宣室如相訪長
沙去復來

雪

時車駕北狩大同

北極關山闊寒冬雨雪來霧沈玄菟塞風繞白
龍堆胡虜猶深入征人且未回遙思穆天子黃
竹有悲哀

晦日夜集

晦日歸休晚良游惜後時却判長夜飲更賦早
春詩雲霧窗中入星河閣上垂寧須花與月行
樂始相宜

春夜過時濟飲

露淨開樽處天青斫憤時素雲將月上香霧任
風吹爲樂常苦晏含情復待誰徑須成一醉莫
遣酒行遲

夏日遊道觀

隔竹窺丹洞臨池坐碧沙玉杵盛石髓翠籠貯

雲芽展簾來風色吹笙上月華休論河朔飲寧似醉流霞

仲夏即事

林卧采芳草今朝鷓鴣鳴悠悠觀物化默默感吾生老大慙聞道空虚耻近名沈吟日云暮搔首獨含情

江花

百丈牽江路行穿夾岍花時憐一水曲遠愛數峰斜林下見垂釣溪邊逢浣紗武陵如在眼髣

像羽人家

自功德寺

憶昨宣皇帝西方結勝緣莊嚴脩佛土功德在人天龍象山開闢金銀地接連傷心萬歲後陵谷尚依然

歸別業作

五載去京國今來歸舊廬林荒巢野雀徑毀蔓園蔬意倦風塵際身危疾病餘多慚久懷祿牢落此田居

郭外

郭外平蕪迥溪邊小徑斜客行迷野竹鶯語隔
林花多景每難遇孤遊還自嗟佳期竟何許脉
脉向春華

九日顏子携飲西郭

九日愁空卧西園喜並遊閒居同栗里置酒得
荊州樹擁樓臺出雲隨鼓吹浮不辭重落帽短
髮自堪羞

丘中

返照丘中路孤煙水上村野田荒蘚色沙岍落
潮痕日短賸書卷天寒頻酒樽定知無客到不
必掃柴門

負郭

負郭茅堂小臨溪竹圃斜山樽携野客魚網晒
隣家荒徑封殘雪疎籬透晚霞預思春到日著
處種桃花

送南元善守紹興

傳聞會稽郡清絕擅三吳水竹深蘭渚雲峰滿

鏡湖論交愧連璧出守羨分符時有東南使新
詩未可無

送朱侍御之南臺

不謂雲霄去能為江海行知君古人意非是厭
承明出國仍簪筆憂時未請纓他年有封事更
覺見平生

玄明宮後圃石山

出郭仙城近探幽福地遙珠林行窈窕錦石上
岩嶢雲裏仙人酒山中玉女簫蓬萊去何許東

望海邊潮

晚憩玉泉寺

看山興不輟落日有餘情稍憩中林宿猶攀絕
頂行風泉晚逾響松雪夜微明長嘯雲岑上飄
蕭白露生

泛舟

水口移舟入煙中載酒行渚花藏笑語沙鳥亂
歌聲晚棹沿流急春衣逐吹輕江南采菱曲回
首重含情

李子西送佛頭青花得自永寧王宮中蓋

牡丹之殊異者喜而賦詩且改名爲萼

綠華云

故人真好事爲我致名花書寄夷門道春來帝
子家玉肌名素雪翠袖影蒼霞合避金仙號更
名萼綠華

紫薇

紫薇開最久爛熳十旬期夏日逾秋序新花續
故枝楚雲輕掩冉蜀錦碎參差卧對山窗下猶

堪比鳳池

送許御謫定州

志士官不達千秋同一時今看許夫子竄逐使
人悲才大元相誤名高只自危恹惶千里曲惆
悵四愁詩北望關山阻南飛羽翼垂平生懷感
激送爾益凄其

游天壇沈道士館得登字

屢憶尋真地秋來興可乘仙人偶相約才子使
同登晚日餘煙霧涼天減鬱蒸金莖生片露玉

歷代詩選
卷之二
井濕殘冰水對瑤壇直山圍翠樹層靈宮七綵
帳深殿百枝燈過澗窺泉脉攀崖步石稜雲扶
上縹緲風引入凌兢浪喜追遊並猶慙作賦能
醉中操翰墨應仗酒如澗

送劉遵教赴河南僉事兼河北兵備

暫輟臺中妙兼分闕外名兩河開幕府萬里作
長城郤穀真堪帥穰苴本善兵追奔立表待傳
檄據鞍成盜賊空三輔煙花掃北平閭閻無夜
警部曲有春耕風勁吹龍角雲輕抱翠旌遙占

猛將氣偏逐使君行

乘興寄崔內翰

病起身仍健秋來興不孤心情那可減肺氣欲

全蘇蟻穴依床席蛛絲織畫圖褰帷窺物色倚

杖理荒蕪撥悶憑詩卷忘形付酒壺昔賢遺軌

躅餘力誓馳驅良史傳經術高才繼典謨赤鯨

凌海水翠鳳上天衢仙籍通羣帝文星近六符

馬遷慚實錄劉向謝醇儒玄覽來神契冥搜入

奧區蓬萊披琬琰太乙下虛無顧我惟書肆知

君類說郭憲章崇闕里辭賦陋鴻都東魯宮牆
 闕西京戶牖殊百家流汜濫六藝混泥塗未覩
 崩頽振深思筆削扶飛騰愁失墜衰颯迫號呼
 落落親朋遠悠悠歲月徂提携如有分終願託
 微軀

秦皇巡海右漢武幸關東昔悵千秋迹今看萬
 乘雄期門陳後苑清道出離宮霧繞旄頭黑塵
 翻豹尾紅天營屯斗極御氣下雲中射獸闕支
 雪焚山瀚海風繫纓驅雜虜載筆扈羣公此日
 燕然石長刊北狩功

賦得張公洞壽吳封君

羽客尋仙地靈丘開洞天雲根宛自裂風穴遞
 相纏合沓藏丹磴玲瓏散紫煙珠林秋不落赤
 日夜長懸鳳吹俄云去龍車豈再旋福廷還似
 昨真氣獨蕭然石坼燒金竈苔荒種杏田非公
 復棲遯闔寂此山川

王明叔同年夜集

映燭吟詩春霧生開簾窺雪夜寒輕花邊仙吏
雙鳧鳥雲裏瀛洲五鳳城對酒已拚連夕醉相
思不奈隔年情官河南望冰潭綠愁見蘭橈送
客行

贈陳真人

汝侍先皇遊帝京今年七十道將成赤霄鸞鳳
朝南極白日蛟龍下太清丹洞紅泉流玉髓石
壇瑤草變金莖何因贈我飛仙藥便可相携海
上行

寒食對雨遣悶

一百五日春已深閉門風雨晝陰陰乍飛燕子
濕無那欲折桃花嬌不禁歸去久淹滄海興愁
來端擬白頭吟天涯厭見繁華節更遣蕭條斷
客心

雨中遊翠微山

亭午翠微山半路下看山底翠雲生客來准擬
山中宿雨至何妨洞裏行隔竹泉聲初浙瀝倚
巖花樹轉分明題詩携酒兩殊絕翻怪風煙報

晚晴樹轉夕陽紅
山中贈繼之何汝師
長安城中不可留
風塵日日使人愁
上書解印
我將去拔劍出門
君且休五岳登臨
幾兩屐三
江來往一扁舟
東西南北任行樂
與爾相隨萬
里遊
西堂薄暮喧氣微
雨霽清風飄我衣
明月在戶
稍將出白雲向空
猶自飛寄身世路
有傾側抗

志神遊無是非
仙人胡乃不來下
接手山林同
子歸

送李子中

洞庭山前水滿湖
爾行乘舸向東吳
宦遊兼不
廢丘壑燕坐真成
在畫圖歷歷村墟
懸橘柚層
層洲嶼散菰蒲
卽看秀色增江國
贖寄新詩入
帝都

草堂

蕭蕭寒雨對高秋
寂寂空牀擁敝裘
歸去釣天

頗有夢挽回滄海獨無謀平生頗詫任公子末
路方思馬少游珍重故人招隱意草堂南郭任
淹留

木犀次萬侍御韻

木犀舊種開何晚今歲初開擬細看葉薄青瑤
雲弄影花明金粟露生寒妙香聞處遙支策小
朶簪時屢拭冠獨繞芳叢成百匝西風忘却葛
衣單

雨中客至

客病荒村饒寂寞故人今雨忽過逢別來渴疾
春增劇坐久空厨午未春束濕焚枯真簡畧看
雲聽竹稍從容殷勤更覓隣家酒惆悵初聞野
寺鐘

病中對雨憶南園牡丹

賓客門前問疾回圖書案上亂成堆卧聞片雨
空階滴想見名花別墅開油幕縱然藏錦樹畫
闌應自汗蒼苔東風好爲催春霽扶病還須載
酒來

南園觀牡丹時雨霽病亦適愈

朝來盥漱喜新晴忽憶看花遽出城病起好懷
還似昨雨餘春色可憐生露華濯濯含金粉雲
朶鱗鱗感絳英苦恨品題無妙語正緣佳麗若
爲評

流觴渠

流觴泛激水手攬跳波濕恰怪杯行遲風吹忽
相及

城南梅開簡友人

郭外新梅樹春風吹欲殘未能携酒出幸爲折
花看

東臯

東臯落日明西候新颺冷徘徊磐石上愛此青
松影

奉同王浚川海上雜歌

天鷄啼處夜生潮東望蓬萊翠霧消紫貝高爲
雲外闕青龍盤作日邊橋

石門雙闕入蓬瀛日日惟看雲霧生白蜃吹霓

晴後見翠虬銜月夜中行

王子題詩滄海岬青鸞銜去海東邊龍女織成
紅錦字仙人吹入紫簫篇

中秋夜待月

海上珠宮向夜開銀河初轉綠雲來遙聞僊樂
生林壑暗覺天香拂酒杯

宮詞

禁園處處鎖名花步障層層簇絳紗斟酌君恩
似春色牡丹枝上獨繁華

山館

山館蕭條客到稀幽人間暇坐披衣日長燕子
丁寧語風靜楊花自在飛

石倉十二代詩選

明三集卷二十二 終

百舍十二升黃豔

字仙入吹太紫

中秋夜待月

海上珠宮向夜開

生林壑暗覺天香拂酒杯

下窻瑞風精妙芥自弄

山嶺蕭蕭客雁歸幽人閒別坐

似春山前



